

## Izveštaj o radu Uprave policije MUP-a Kantona Sarajevo za period januar - juni 2018. godine

### KRIMINALITET

Kriminalitet na području Kantona Sarajevo u periodu januar – juni 2018. godine u odnosu na isti period prethodne godine, posmatrano kroz osnovne statističke pokazatelje, karakteriše povećanje broja registrovanih krivičnih djela za 6,1%, prijavljenih lica za 22,4%, povratnika u činjenju krivičnih djela za 6,2%, maloljetnih izvršilaca za 92,6% i lica lišenih slobode za 10,8%.

#### STATISTIČKI PRIKAZ KRIMINALITETA

U periodu januar – juni 2018. godine, registrovano je 2.206 krivičnih djela, što je za 126 djela ili 6,1% više nego u periodu januar – juni 2017. godine.

U 1.047 slučaja (47,5% od ukupnog broja krivičnih djela), krivična djela su izvršena od strane poznatih izvršilaca i izvršilaca zatečenih u činjenju krivičnog djela, a 1.159 krivičnih djela (ili 52,5%), prijavljeno je po nepoznatom izvršiocu, od kojih su 392 naknadno rasvijetljena (ili 33,8% od ukupnog broja prijavljenih djela po nepoznatom izvršiocu).

Tokom izvještajnog perioda ukupno je rasvijetljeno 1.439 krivičnih djela ili 65,2% što je za 6,3% manje u odnosu na uporedni period.

Za izvršenje navedenih djela prijavljena su 1.473 lica, od kojih su 772 povratnika u činjenju krivičnih djela (ili 52,4% prijavljenih), 52 maloljetnika (ili 3,5%), a 594 lica su lišena slobode (ili 40,3%).

U odnosu na uporedni period povećan je broj prijavljenih lica za 270 (ili 22,4%), povratnika za 45 (ili 6,2%), maloljetnika za 25 (ili 92,6%) i lica lišenih slobode za 58 (ili 10,8%).

#### OSNOVNI STATISTIČKI POKAZATELJI KRIMINALITETA U PERIODU JANUAR - JUNI 2018. GODINE

PERIOD	Broj krivičnih djela			Broj djela za koja su naknadno identifikovani osumnjičeni izvršioци		Broj prijavljenih lica			Lišenih slobode
	Ukupno	od toga		Ukupno	od toga iz ranijeg perioda	Ukupno	od toga		
		po poznatom izvršiocu	po NN izvršiocu				maloljetnici	povratnici	
<b>JANUAR - JUNI 2018. GODINE</b>	<b>2.206</b>	<b>1047</b>	<b>1159</b>	<b>392</b>	<b>184</b>	<b>1473</b>	<b>52</b>	<b>772</b>	<b>594</b>
JANUAR - JUNI 2017. GODINE	2.080	874	1.206	613	324	1.203	27	727	536
<i>uporedba</i>	<i>126 ili 6,1%</i>	<i>173 ili 19,8%</i>	<i>-47 ili 3,9%</i>	<i>-221 ili 36,1%</i>	<i>-140 ili 43,2%</i>	<i>270 ili 22,4%</i>	<i>25 ili 92,6%</i>	<i>45 ili 6,2%</i>	<i>58 ili 10,8%</i>

**UPOREDNI POKAZATELJI STANJA KRIMINALITETA NA PODRUČJU KANTONA SARAJEVO  
U PERIODU JANUAR – JUNI 2018/17. GODINE PREMA GLAVAMA KRIVIČNOG ZAKONA FBiH-a i KZ BiH-a**

KRIVIČNA DJELA PROTIV	januar	januar	uporedba
	-juni 2018.	-juni 2017.	+/- %
Protiv života i tijela	<b>75</b>	78	-3 ili 3,8%
Protiv slobode i prava čovjeka i građanina	<b>122</b>	99	23 ili 23,2%
Protiv spolne slobode i morala	<b>10</b>	3	7 ili 233,3%
Protiv braka, porodice i mladeži	<b>121</b>	119	2 ili 1,7%
Protiv zdravlja ljudi	<b>334</b>	208	126 ili 60,6%
Protiv privrede, poslovanja i sigurnosti platnog prometa	<b>3</b>	3	0
Iz oblasti poreza	<b>0</b>	1	-1
Protiv imovine	<b>1.316</b>	1.319	-3 ili 0,2%
Protiv okoliša, poljoprivrede i prirodnih dobara	<b>3</b>	3	0
Protiv opće sigurnosti ljudi i imovine	<b>36</b>	36	0
Protiv sigurnosti javnog prometa	<b>58</b>	43	15 ili 34,9%
Protiv pravosuđa	<b>26</b>	13	13 ili 100%
Protiv javnog reda i pravnog prometa	<b>76</b>	96	-20 ili 20,8%
Protiv podmićivanja i krivična djela protiv službene i druge odgovorne funkcije	<b>8</b>	11	-3 ili 27,3%
Protiv sistema elektronske obrade podataka	<b>0</b>	1	-1
Protiv privrede i jedinstva tržišta te krivična djela iz oblasti carina (KZBiH)	<b>1</b>	3	-2 ili 66,7%
Zakon o nabavljanju, držanju i nošenju oružja i municije (Sl.novine Kantona Sarajevo br. 01/18)	<b>17</b>	44	-27 ili 61,4%
<b>UKUPNO</b>	<b>2.206</b>	2.080	126 ili 6,1%

#### PREGLED KRIVIČNIH DJELA PO OBLASTIMA

##### KRIVIČNA DJELA PROTIV ŽIVOTA I TIJELA

U periodu januar – juni 2018. godine prijavljeno je 75 krivičnih djela protiv života i tijela (tri manje u odnosu na januar - juni 2017.godine).

Zbog postojanja osnova sumnje da su počinili djela iz ove oblasti podneseni su službeni izvještaji protiv 71 lica (14 manje), od čega su 32 povratnika u činjenju krivičnih djela ili 45,1%, a 18 je lišeno slobode (11 manje).

Evidentirana su slijedeća krivična djela: ubistvo - jedno djelo (dva manje), ubistvo u pokušaju – pet djela (dva više), teška tjelesna ozljeda – 22 (20 manje), lahka tjelesna ozljeda – 45 (18 više) i teška tjelesna ozljeda u saučiniteljstvu i pomaganju - po jedno djelo. Ukupno su rasvijetljena 73 ova djela ili 97,3%.

##### KRIVIČNA DJELA PROTIV SLOBODE I PRAVA ČOVJEKA I GRAĐANINA

Iz ove oblasti evidentirana su 122 djela (23 više) i to: - ugrožavanje sigurnosti – 118, protupravno lišenje slobode, ugrožavanje sigurnosti u podstrekavanju, otmica i narušavanje nepovredivosti doma - po jedno djelo, a zbog izvršenja navedenih djela prijavljeno je 121-no lice od kojih je 56 povratnika u činjenju krivičnih djela (ili 46,3%), a 20 je lišeno slobode.

**UPOREDNI POKAZATELJI BROJA REGISTROVANIH KRIVIČNIH DJELA UGROŽAVANJE SIGURNOSTI IZ ČLANA 183. KZ FBIH-a PO MJESECIMA U PERIODU JANUAR – JUNI 2018/17. GODINE**

ugrožavanje sigurnosti (član 183. KZ FBIH-a)	januar	februar	mart	april	maj	juni	januar – juni 2018/17. godine
<b>januar – juni 2018. godina</b>	<b>16</b>	<b>15</b>	<b>16</b>	<b>25</b>	<b>23</b>	<b>23</b>	<b>118</b>
januar – juni 2017. godina	20	14	13	17	12	21	97
<i>uporedba</i>	<i>-4</i>	<i>1</i>	<i>3</i>	<i>8</i>	<i>11</i>	<i>2</i>	<i>21</i>

**KRIVIČNA DJELA PROTIV BRAKA, PORODICE I MLADEŽI**

U ovoj oblasti registrovano je 121-o djelo (dva više) i to: nasilje u porodici - 116 djela, oduzimanje djeteta ili maloljetnika - dva, zapuštanje ili zlostavljanje djeteta ili maloljetnika, napuštanje djeteta i izbjegavanje izdržavnja - po jedno djelo. Službeni izvještaji podneseni su protiv 123 lica od kojih je 60 povratnika ili 48,8%, a 76 je lišeno slobode.

**UPOREDNI POKAZATELJI BROJA REGISTROVANIH KRIVIČNIH DJELA NASILJA U PORODICI IZ ČLANA 222. KZ FBIH-a PO MJESECIMA U PERIODU JANUAR – JUNI 2018/17. GODINE**

nasilje u porodici (član 222. KZ FBIH-a)	januar	februar	mart	april	maj	juni	januar – juni 2018/17. godine
<b>januar – juni 2018. godina</b>	<b>19</b>	<b>21</b>	<b>19</b>	<b>20</b>	<b>18</b>	<b>19</b>	<b>116</b>
januar – juni 2017. godina	17	17	19	22	18	25	118
<i>uporedba</i>	<i>2</i>	<i>4</i>	<i>0</i>	<i>-2</i>	<i>isto</i>	<i>-6</i>	<i>-2</i>

**KRIVIČNA DJELA PROTIV ZDRAVLJA LJUDI**

U oblasti krivičnih djela protiv zdravlja ljudi, podneseni su službeni izvještaji protiv 337 lica (183 više), od kojih je 207 povratnika (ili 61,4%), a zbog postojanja osnova sumnje da su počinili 334 krivična djela (126 više) i to:

- neovlašćena proizvodnja i stavljanje u promet opojnih droga – 16 djela (šest manje) i
- posjedovanje i omogućavanje uživanja opojnih droga – 318 djela (132 više).

Policijski službenici Uprave policije su Kantonalnom tužilaštvu Sarajevo podnijeli službene izvještaje protiv ukupno 18 lica zbog postojanja osnova sumnje da su u proteklom periodu neovlašćeno proizvodili, zatim kupovali opojnu drogu ("Marihuanu", "Amfetamin", itd.) od za sada nepoznatih lica, na raznim lokalitetima, istu prepakivali, a zatim vršili prodaju raznim konzumentima na području Kantona, čime bi počinili krivično djelo iz člana 238. KZ FBIH-a (Neovlašćena proizvodnja i stavljanje u promet opojnih droga), te protiv 319 lica koji su navodili druga lica na uživanje opojnih droga, stavila na raspolaganje prostorije radi uživanja opojne droge ili kod kojih je prilikom pregleda pronađena opojna droga ("Marihuana", "Amfetamin", "Heroin", "Ecstasy", itd.) čime bi počinili krivično djelo iz člana 239. KZ FBIH-a (Posjedovanje i omogućavanje uživanja opojnih droga).

Zbog zloupotrebe opojnih droga 217 lica je lišeno slobode (76 više).

**PREGLED ODUZETE OPOJNE DROGE**

VRSTA OPOJNE DROGE	JANUAR - JUNI 2018. GODINE	JANUAR - JUNI 2017. GODINE
Marihuana (u gramima)	<b>4.389</b>	7446,33
Marihuana (paketići)	<b>66</b> (oko 126,2 grama)	142 (oko 1.464 grama)
Marihuana (JOINT - cigarete)	<b>20</b>	6
Heroin (paketići)	<b>10</b>	45
Amfetamin (paketići)	<b>85</b> (oko 73,2 grama)	60 (oko 114,5 grama)

Amfetamin (u gramima)	<b>354</b>	1642
Kokain (paketići)	<b>1</b>	6
Kokain (u gramima)	---	15
Ecstasy (tablete)	<b>73,5</b>	650
LSD - markice	---	37
Cannabis – sjeme (kom.)	<b>100</b>	1
Canabis - biljka (kom.)	<b>1</b>	---
pribor sa ostacima droge (komada)	<b>36</b>	15

#### KRIVIČNA DJELA PROTIV PRIVREDE, POSLOVANJA I SIGURNOSTI PLATNOG PROMETA

Iz oblasti krivičnih djela protiv „privrede“ registrovana su tri krivična djela (isti broj) i to: prijevara u privrednom poslovanju - dva i obmana pri dobijanju kredita ili drugih pogodnosti - jedno djelo za čije su izvršenje prijavljena četiri lica.

Takođe, od strane službenika Odjeljena za privredni kriminal tokom prvih šest mjeseci 2018. godine, zadokumentovana su i krivična djela koja su u vezi sa „privrednim kriminalom“, a svrstana su u druge Glave KZFBiH-a i KZ BiH-a i to:

organizovani kriminal - 18 djela, pronevjera u službi - tri, zloupotreba položaja ili ovlašćenja - dva, krivotvorenje isprave - dva, nesavjestan rad u službi, sprječavanje dokazivanja, pomoć učitelju poslije učinjenog krivičnog djela, ovjeravanje neistinitog sadržaja, primanje dara ili drugih oblika koristi i krivotvorenje novca - po jedno djelo, a koja su prijavljena u prvih šest mjeseci 2018. godine i čijim je činjenjem nastupila materijalna šteta u ukupnom iznosu od 31.537.053,30 KM (u istom periodu prethodne godine iznosila je 15.952.951,61 KM i 816 Eura).

#### 1.2.7. KRIVIČNA DJELA PROTIV IMOVINE

U oblasti krivičnih djela protiv imovine registrovano je 1.316 krivičnih djela što je za tri djela manje u odnosu na uporedni period.

Najbrojnija djela iz ove oblasti su: teške krađe – 696 (14 manje), krađe – 207 (jedno više), razbojništvo – 224 (devet više), oštećenje tuđe stvari – 75 (tri više), prijevara – 38 (14 više), teška krađa u pokušaju – 27 (11 više), utaja – 15 (jedno manje), prikrivanje – šest (11 manje), itd.

Zbog izvršenja navedenih djela prijavljenao je 386 lica od kojih su 272 povratnika u činjenju krivičnih djela (ili 70,5%), a 146 je lišeno slobode.

Za ukupno 577 ovih djela ili 43,8% identifikovani su osumnjičeni izvršiooci, što je u odnosu na isti period prethodne godine, smanjenje za 13%.

Objekti napada pri vršenju krivičnih djela protiv imovine najčešće su bili stambeni objekti – 298 puta (42 više), motorna vozila (otuđenja pmv i “provale” u ista) - 227 (74 manje), poslovni prostori i prodavnice – 92 (26 manje), itd., pri čemu su otuđivana motorna vozila, novac, nakit, tehnička roba, cigarete, prehrambeni proizvodi, građevinski materijal, itd.

U prvih šest mjeseci ove godine na području Kantona Sarajevo izvršeno je 150 krivičnih djela teških krađa motornih vozila, od čega je 38 ili 25,3% vraćeno (od strane policije MUP Kantona Sarajevo vraćeno je 16 vozila, MUP RS-a – šest, drugih MUP-ova – šest i deset vozila vlasnici su pronašli).

U odnosu na uporedni period broj otuđenih vozila znatno je znatno smanjen i to za 73 ili 32,7%.

Zbog postojanja osnova sumnje da su učestvovali u izvršenju otuđenja motornih vozila na području Kantona Sarajevo, nadležnom tužilaštvu podneseni su službeni izvještaji protiv osam lica od koji je šest povratnika (ili 75%).

Na području Kantona Sarajevo u prvom polugodištu ove godine registrovano je 224 djela razbojništva (devet više).

Razbojništva su počinjena u prodavnicama i drugim poslovnim prostorima - 103 puta (devet manje), u sportskim kladionicama – 33 (dva manje), na ulici – 55 (šest više), u apotekama - 20

(isto), na benzinskim pumpama - osam (tri više), itd.

Navedena djela izvršena su prijetnjom upotrebe vatrenog oružja – 96 puta (isto), prijetnjom i upotrebom noža ili drugog oštrog predmeta (komad stakla, šrafciğer i sl.) – 80 (10 više) i upotrebom fizičke snage – 48 puta (jedno manje). Otuđivan je novac, mobiteli, zlatni nakit, motorna vozila, itd.

Ukupno je rasvijetljeno 90 ovih djela ili 40,2% što je za 10,9% manja rasvijetljenost ovih djela u odnosu na isti period 2017. godine.

Broj teških krađa na naročito opasan ili naročito drzak način u periodu januar-juni 2018. godine u odnosu na uporedni period povećan je za osam ili 17,8%. Naime, evidentirana su 53 ova djela u kojima su izvršioc, upotrebom fizičke snage – 32 puta, te verbalnom prijetnjom u 21 slučaju, otimali mobitele, nakit i novac.

Za izvršenje "drskih krađa", prijavljeno je 14 lica od kojih je osam povratnika (ili 57,2%) a tri su lišena slobode. Ukupno je rasvijetljeno 14 ovih djela ili 26,4% (za 5,7% više).

#### KRIVIČNA DJELA PROTIV OPĆE SIGURNOSTI LJUDI I IMOVINE

Iz ove oblasti evidentirano je 36 djela (isti broj djela) i to: izazivanje opće opasnosti – 26 djela, teška krivična djela protiv opće sigurnosti ljudi i imovine - sedam, nesavjesno čuvanje pasa i drugih opasnih životinja - tri djela.

Zbog postojanja osnova sumnje da su počinili ova djela nadležnom tužilaštvu podneseni su službeni izvještaji protiv 28 lica, od čega 20 povratnika (ili 71,4%), a 23 su lišena slobode.

Krivična djela izazivanja opće opasnosti (26 djela) izvršena su na otvorenom prostoru - 23 puta i u stambenim objektima - tri puta, pri čemu je u tri slučaju aktivirana nepoznata eksplozivna naprava, 12 puta pucano iz vatrenog oružja, deset puta je otvorenim plamenom izazvan požar i u jednom slučaju je namjernim udaranjem motornim vozilom povrijeđeno lice. Posljedica izvršenja navedenih djela su tjelesne ozljede pet lica i nastala materijalna šteta.

#### KRIVIČNA DJELA PROTIV JAVNOG REDA I PRAVNOG PROMETA

U ovoj oblasti registrovano je 76 krivičnih djela (20 manje) i to: nasilničko ponašanje - 42 djela (četiri manje), nedozvoljeno držanje oružja ili eksplozivnih materija – 13 (četiri manje), napad na službenu osobu u vršenju poslova sigurnosti – deset (jedno više), krivotvorenje isprave – šest (sedam manje), sprječavanje službene osobe u vršenju službene radnje - tri (isto), itd.

Zbog postojanja osnova sumnje da su počinili krivična djela iz ove oblasti, nadležnom tužilaštvu podneseni su službeni izvještaji protiv 83 lica, od kojih je 49 povratnika ili 59%, a 28 je lišeno slobode.

#### KRIVIČNA DJELA POČINJENA OD STRANE MALOLJETNIH IZVRŠILACA

U periodu januar-juni 2018. godine prijavljena su 52 maloljetnika zbog postojanja osnova sumnje da su izvršili 55 krivičnih djela. U poređenju sa istim periodom 2017. godine povećan je broj krivičnih djela za čije izvršenje su prijavljena maloljetna lica za 24 ili 77,4%, kao i broj prijavljenih maloljetnih izvršilaca za 25 ili 92,6%.

Pregled broja maloljetnih izvršilaca krivičnih djela za period januar-juni 2018. godine, prema starosnoj strukturi

Starosna dob maloljetnika	do 14 god.	od 14 do 16 god.	od 16 do 18 god.	ukupno
<b>Broj maloljetnih izvršilaca</b>	6	22	24	52

Među maloljetnim izvršiocima krivičnih djela, 28 su u dobi do 16 godina, a 24 u dobi između 16 i 18 godina, dok je povratnika u izvršenju krivičnih djela bilo osam (ili 15,4%).

U proteklih šest mjeseci 2018. godine, najveći broj krivičnih djela maloljetnici su izvršili na području općine Hadžići (17 ili 30,9% od ukupnog broja), Novi Grad (12 ili 21,8%), Ilidža (osam ili 14,5%), Novo Sarajevo (sedam ili 12,7%), Centar (šest ili 10,9%), Stari Grad (četiri ili 7,3) i Vogošća jedno djelo.

Najbrojnija krivična djela za čije izvršenje su prijavljeni maloljetnici su djela protiv imovine - 26 (ili 47,3%), pri čemu prevladavaju teške krađe (15).

Pregled registrovanih krivičnih djela izvršenih od strane maloljetnih lica  
u periodu januar-juni 2018/2017. godine

Naziv krivičnog djela	januar-juni 2018.	januar-juni 2017.	+ - %
Teška tjelesna povreda	3		3
Lahka tjelesna povreda	6	3	3 ili 100%
Ugrožavanje sigurnosti	8	3	5 ili 166,7%
Ugrožavanje sigurnosti u podstrekavanju	1		1
Silovanje	1		1
Posjedov. i omoguć. uživanja opoj. droga	3	2	1 ili 50%
Krađa	1	1	isto
Teška krađa	15	2	13 ili 650%
Teška krađa-pokušaj		2	-2
Teška krađa na naroč. opasan ili naročito drzak način	3	3	isto
Teška krađa na naroč. opasan ili naročito drzak način-pokušaj	1		1
Razbojništvo	5	10	-5 ili 50%
Razbojništvo- pokušaj		1	-1
Utaja	1	1	isto
Nedozvoljeno držanje oružja ili eksplozivnih materija	1		1
Nasilničko ponašanje	6	2	4 ili 200%
ZONDINOIM		1	-1
ukupno	55	31	24 ili 77,4%

## OSTALA PROTIVPRAVNA I ASOCIJALNA PONAŠANJA

### 1.4.1. AKTIVIRANJE MINSKO-EKSPLOZIVNIH SREDSTAVA

U periodu januar-juni 2018. godine na području Kantona Sarajevo registrovana su četiri slučaja aktiviranja minsko-eksplozivnih sredstava (dva ili 33,3% manje u odnosu na isti period 2017. godine) koji su za posljedicu imali lakše tjelesne povrede, materijalnu štetu na stambenim objektima, kao i na putničkom vozilu. Preduzimaju se aktivnosti na identifikaciji učinilaca.

U proteklih šest mjeseci 2018. godine registrovano je 38 anonimnih dojava o postavljenoj eksplozivnoj napravi (četiri u uporednom periodu), a odnosile su se uglavnom na srednje i osnovne škole. Nakon KDZ pregleda utvrđeno je da su dojave bile lažne.

U cilju preventivnog djelovanja na sprječavanju pojave lažnih dojava o postavljenim eksplozivnim napravama sačinjen je Plan aktivnosti edukacije učenika i nastavnog osoblja u srednjim školama na području Kantona Sarajevo, na osnovu kojeg je realizovana edukacija učenika, nastavnog osoblja i roditelja u srednjim školama na području Kantona Sarajevo. Cilj edukacije je preventivno djelovanje i dodatna edukacija učenika, te podizanja nivoa svijesti o štetnosti ovakve vrste protivpravnog ponašanja, kao i svim posljedicama koje ova krivična djela mogu imati. Policijski službenici su tokom realizacije planirane teme apelovali i upozorili na suzdržavanju od svih vrsta protivpravnog ponašanja, pa tako i lažnih dojava o postavljenim eksplozivnim sredstvima.

## POŽARI

Tokom prvog polugodišta 2018. godine, na području Kantona Sarajevo registrovano je ukupno 56

požara (15 manje), u kojima je jedno lice poginulo, a dva lica povrijeđena.

Prema statističkim pokazateljima, 28 požara je izazvano namjerno, 17 zbog tehničkih nedostataka, šest nehatom, dok uzroci pet požara spadaju u kategoriju ostalih.

#### SAMOUBISTVA

U periodu januar – juni 2018. godine, na području Kantona Sarajevo registrovano je 16 samoubistava (11 manje), izvršenih na sljedeće načine: vješanjem- sedam puta, upotrebom vatrenog oružja – šest puta i skakanjem sa visine – tri puta.

Prema spolu, izvršioци su 12 muškaraca i četiri žene.

#### JAVNI RED I MIR

Zbog raznih oblika narušavanja javnog reda i mira policijski službenici su u periodu januar-juni 2018. godine uručili, odnosno podnijeli ukupno 1.822 prekršajna naloga i zahtjeva za pokretanje prekršajnog postupka (naloga – 1.387, zahtjeva - 435), što u odnosu na prvo polugodište 2017. godine predstavlja smanjenje za 391 ili 17,7%. Prekršajne sankcije preduzete su protiv 1.964 lica (421 ili 17,6% manje).

Od ukupnog broja prekršajnih sankcija, 1.608 ili 88,2% odnosi se na prekršaje utvrđene Zakonom o prekršajima protiv javnog reda i mira, a 214 ili 11,7% na prekršaje utvrđene Odlukom općinskih vijeća o javnom redu i miru.

Na povratnike u izvršenju prekršaja odnosi se 224 ili 12,3% naloga i zahtjeva, a 13 na maloljetna lica.

S obzirom na starosnu strukturu lica protiv kojih su u prvom polugodištu ove godine preduzete prekršajne sankcije (ukupno 1.964), najveći broj je onih starosne dobi preko 36 godina (1.217), zatim starosti između 26 i 35 godina (444) i između 19 i 25 godina (290), dok je maloljetnih učinilaca prekršaja bilo 13.

Prilikom narušavanja javnog reda i mira u periodu januar-juni 2018. godine, nije bilo teže povrijeđenih lica (jedno u prvom polugodištu 2017. godine), dok su lakše povrijeđena 52 lica (67 ili 56,3% manje).

Najveći broj prekršajnih sankcija evidentirano na području policijskih stanica Centar, Stari Grad i Novo Sarajevo odnosio se na prekršaje učinjene prosjačenjem, što je rezultat pojačanih aktivnosti na suzbijanju ovog oblika narušavanja javnog reda i mira, koje je najizraženije na području navedene tri općine, posebno u vrijeme turističke sezone, vjerskih i drugih manifestacija

Prema strukturi prekršaja iz oblasti javnog reda i mira, najbrojnija su prosjačenja - 772 (ili 42,4% od ukupnog broja); zatim tuče - 204 (ili 11,2%), naročito drsko ponašanje - 182 (ili 10%) i odbijanje naređenja i omalovažavanje policijskih službenika - 169 (ili 9,3%). Znatno manje prekršaja učinjeno je svađom, vikom i nepristojnim ponašanjem - 29, uživanjem opojne droge na javnom mjestu - 15, paljenjem petardi - osam i neovlaštena upotreba oružja – tri. Evidentirano je 226 ostalih prekršaja iz Zakona o javnom redu i miru i 214 prekršaja regulisanih Odlukom općinskih vijeća.

Tabelarni pregled strukture prekršaja iz oblasti javnog reda i mira za period januar-juni 2018/2017.godina

Vrsta prekršaja	Broj prekršaja		uporedba + - %
	2018. godina	2017. godina	
Tuče	204	217	-13 ili 6%
Naročito drsko ponašanje	182	238	-56 ili 23,5%
Odbijanje naređenja i omal. pol. sl.	169	160	9 ili 5,6%
Svađa, vika, nepristojno ponašanje	29	59	-30 ili 50,8%
Uživanje opojne droge na j. mjestu	15	4	11 ili 275%
Neovlaštena upotreba oružja	3		3
Paljenje petardi	8	1	7 ili 700%
Prosjačenje	772	979	-207 ili 21,1%
Ostali prekršaji iz Zakona o JRiM	226	265	-39 ili 14,7%
Prekršaji prema odluci općin. vijeća	214	290	-76 ili 26,2%
UKUPNO	1.822	2.213	-391 ili 17,7%

U odnosu na isti period 2017. godine, povećan je broj prekršajnih sankcija zbog prekršaja učinjenih odbijanjem naređenja i omalovažavanjem policijskih službenika, uživanjem opojne droge na javnom mjestu, neovlaštenom upotrebom oružja i paljenjem petardi, a broj svih ostalih prekršaja je smanjen.

**Prema mjestu izvršenja**, najveći broj prekršaja učinjen je na **ulici i na drugim otvorenim prostorima - 1.602** (ili 87,9% od ukupnog broja), a znatno manje u ugostiteljskim objektima - 79 (ili 4,3%), u trgovinskim radnjama - 21, školama i školskim dvorištima - 19, vozilima javnog saobraćaja - četiri, na sportskim terenima - jedan, te na ostalim mjestima - 96 prekršaja.

Tabelarni pregled broja uručenih/podnesenih naloga i zahtjeva iz oblasti javnog reda i mira prema mjestu izvršenja u periodu januar-juni 2018/2017. godine

MJESTO IZVRŠENJA	januar-juni 2018.	januar-juni 2017.	+ - %
Ulice i drugi otvoreni prostori	1.602	1.883	-281 ili 14,9%
Ugostiteljski objekti	79	79	isto
Sportski stadioni i dvorane	1	99	-98 ili 99%
Vozila javnog saobraćaja	4	5	-1 ili 20%
Škole (školska dvorišta)	19	19	isto
Trgovinske i zanatske radnje	21	13	8 ili 61,5%
Ostala mjesta	96	115	-19 ili 16,5%
UKUPNO	1.822	2.213	-391 ili 17,7%

U odnosu na isti period 2017. godine, u proteklih šest mjeseci povećan je broj prekršaja kojima se narušava javni red i mir u trgovinskim i zanatskim radnjama, dok je broj izvršenih prekršaja u ugostiteljskim objektima i u školama i školskim dvorištima ostao isti, a na ostalim mjestima taj broj je smanjen.

Na području Kantona Sarajevo u periodu januar-juni 2018. godine održano je 1.277 javnih skupova (244 ili 19,1% više u odnosu na januar-juni 2017. godine). Policijski službenici su proveli planske aktivnosti na obezbjeđenju javnih skupova, koji su uglavnom protekli bezbjedno, a u 277 slučajeva izvršena su KDZ osiguranja.

Policijski službenici Uprave policije MUP-a Kantona Sarajevo osiguravali su javni skup doček Nove 2018. godine koji je održan ispred Sarajevo City Centra u ulici Vrbanja i u ulici Titova ispred Vječne vatre koncert pop rock grupe „Crvena jabuka“. Tom prilikom nisu zabilježeni slučajevi narušavanja javnog reda i mira.



## SAOBRAĆAJ

Tokom prvog polugodišta 2018. godine, u odnosu na isti period prošle godine, na području Kantona Sarajevo registrovano je smanjenje ukupnog broja saobraćajnih nezgoda i nezgoda sa materijalnom štetom, dok je povećan broj nezgoda sa nastradalim licima, kao i broj nastradalih lica.

Ukupno je registrovano 4.607 saobraćajnih nezgoda (159 ili 3,3% manje), od čega su 4.202 sa materijalnom štetom (216 ili 4,9% manje) i 405 sa nastradalim licima (57 ili 16,4 % više).

UPOREDNI POKAZATELJI SAOBRAĆAJNIH NEZGODA I POSLJEDICA NA PODRUČJU KANTONA SARAJEVO  
JANUAR-JUNI 2018./2017. GODINA

	januar - juni 2018.	januar - juni 2017.	uporedba +,-,%
<b>UKUPAN BROJ SAOBRAĆAJNIH NEZGODA</b>	<b>4.607</b>	4.766	-159 ili 3,3%
SAOBRAĆAJNE NEZGODE SA NASTRADALIM LICIMA	<b>405</b>	348	+ 57 ili 16,4%
SAOBRAĆAJNE NEZGODE SA MATERIJALNOM ŠTETOM	<b>4.202</b>	4.418	-216 ili 4,9%
<b>POGINULO LICA</b>	<b>11</b>	7	+ 4 ili 57,1 %
- vozači	<b>3</b>	3	Isto
- putnici	<b>3</b>	1	+ 2 ili 200%
- pješaci	<b>5</b>	3	+ 2 ili 66,7%
<b>POVRIJEĐENO LICA</b>	<b>512</b>	464	+48 ili 10,3%
- vozači	<b>251</b>	206	+ 45 ili 21,8 %
- putnici	<b>161</b>	151	+ 10 ili 6,6 %
- pješaci	<b>100</b>	107	-7 ili 6,5%

U saobraćajnim nezgodama na području Kantona Sarajevo 523 lica su nastradala (52 ili 11% više). Jedanaest lica je poginulo<sup>1</sup> (četiri ili 57,1 % više), dok je 512 lica povrijeđeno (48 ili 10,3 % više), od čega je 78 teže i 434 lakše.

Među poginulim licima evidentirana su tri vozača (isto), pet pješaka (dva više) i tri putnika (dva više).

Od ukupno 512 povrijeđenih lica, 251 je vozač (45 više), putnika – 161 (10 više) i pješaka – 100 (sedam manje). Kada je u pitanju stepen povreda, 24 vozača su teže, a 227 lakše povrijeđena, 19 putnika je teže, a 142 lakše povrijeđeno, dok je 35 pješaka teže i 65 lakše povrijeđeno.

U naselju je registrovana 4.131 saobraćajna nezgoda (šest sa poginulim, 357 sa povrijeđenim licima i 3.768 sa materijalnom štetom), van naselja 476 nezgoda (dvije sa poginulim, 40 sa povrijeđenim licima i 434 sa materijalnom štetom).

Registrovano je 806 saobraćajnih nezgoda na raskrsnicama u naselju, 135 na raskrsnicama van naselja, 27 na pješačkom prelazu, tri na mostu, jedna na nadvožnjaku, jedna u tunelu i 3.634 saobraćajne nezgode čije se karakteristike puta ubrajaju u kategoriju ostalih.

period	JANUAR - JUNI 2018. GOD.			JANUAR - JUNI 2017. GOD			UPOREDBA JANUAR - JUNI 2018/17. GODINE		
	poginulo	teško povrijeđeno	lakše povrijeđeno	poginulo	teško povrijeđeno	lakše povrijeđeno	poginulo	teško povrijeđeno	lakše povrijeđeno
VOZAČI	3	24	227	3	21	185	Isto	+ 3	+ 42
PUTNICI	3	19	142	1	16	135	+ 2	+ 3	+ 7
PJEŠACI	5	35	65	3	30	77	+ 2	+ 5	-12
UKUPNO	11	78	434	7	67	397	4 ili 57,1 %	11 ili 16,4 %	37 ili 9,3 %

Starosna struktura lica povrijeđenih u saobraćajnim nezgodama je sljedeća: od 31 do 40 godina – 111 lica, od 41 do 50 godina – 72 lica, od 25 do 30 godina – 68 lica, od 51 do 65 godina – 64 lica, itd.

#### UZROCI SAOBRAĆAJNIH NEZGODA

Na osnovu statističkih podataka o saobraćajnim nezgodama i nastradalim licima najveći broj uzroka saobraćajnih nezgoda spada u kategoriju ostalih – 3.925 (sedam lica poginulo i 328 lica povrijeđeno), neprilagođena brzina- 638 (četiri lica poginula i 160 lica povrijeđeno), uticaj alkohola – 43 (24 lica povrijeđena), oštećenje puta – jedna saobraćajna nezgoda (bez nastradalih lica).

Evidentirane su 143 saobraćajne nezgode (17 manje) u kojima su učestvovali inostrani vozači i 17 saobraćajnih nezgoda (četiri više), u kojima su učestvovala vozila međunarodnih organizacija (bez nastradalih lica).

#### AKTIVNOSTI SLUŽBENIKA POLICIJE IZ OBLASTI SIGURNOSTI SAOBRAĆAJA

U sklopu redovnih aktivnosti, službenici policije su kontrolisali ukupno 117.223 vozila (9.859 manje).

Zbog tehničke neispravnosti, iz saobraćaja je isključeno 221 vozilo (14 više), 1.185 vozača je zatečeno da upravljaju vozilom pod dejstvom alkohola (208 više), 2.033 bez korištenja sigurnosnog pojasa (627 manje), 576 bez položenog vozačkog ispita (141 više), 325 pod izrečenom zaštitnom mjerom (289 više), 2.804 zbog korištenja mobitela tokom vožnje (937 više), a 1.117 vozača je učestvovalo u saobraćaju bez važeće registracije (447 više).

Zbog kršenja propisa iz oblasti sigurnosti saobraćaja uručena su 90.143 prekršajna naloga vozačima (3.715 manje), podneseno 168 zahtjeva za pokretanje prekršajnog postupka (106 manje) i registrovano 58 krivičnih djela zbog ugrožavanja sigurnosti javnog prometa (15 više).

#### MIRUJUĆI SAOBRAĆAJ I KONTROLA PJEŠAKA

Tokom perioda januar – juni 2018. godine, pripadnici Uprave policije su uručili 39.999 prekršajnih naloga vozačima koji nisu poštivali saobraćajne propise prilikom parkiranja (1.288 manje u odnosu na isti period prošle godine), upozorili 2.865 vozača (229 više), a specijalnim vozilom „pauk“ su premjestili 1.826 vozila (642 više). Zahtjeva za pokretanje prekršajnog postupka nije bilo.

Takođe, pješacima koji su kršili propise uručeno je 1.196 prekršajnih naloga (756 manje), a upozoreno je 478 pješaka (442 manje).

#### ZAKONITOST U RADU

Tokom prvog polugodišta 2018. godine, registrovano je 15 napada (četiri više) na policijske službenike MUP-a Kantona Sarajevo. U napadima je učestvovalo 13 punoljetnih i četiri nepoznata lica.

Službenici policije su tokom izvještajnog perioda 18 puta opravdano upotrijebili silu (isto kao u uporednom periodu) i to:

- fizičku snagu i sredstva za vezivanje – 12 puta
- vatreno oružje – tri puta
- Fizičku snagu – tri puta

Tokom prvog polugodišta 2018. godine, za 49 predavki (tri manje) je data saglasnost da se sprovede unutrašnja istraga.

Okončano je 75 predavki, među kojima je 20 osnovanih, 20 neosnovanih, u 21 slučaju nije bilo dovoljno dokaza, u sedam slučajeva se odustalo od žalbe, u četiri slučajeva istraga je obustavljena, u

dva slučaja je okončana ocjenom oslobađajuća, dok je u jednom slučaju upućena na dopunu.

#### 4.1. PRAVNA REGULATIVA

- Nakon upoznavanja organizacionih jedinica Uprave policije sa izmjenama i dopunama Zakona o osnovama sigurnosti saobraćaja na putevima u BiH, preduzete su aktivnosti oko šifriranja novih odredbi pomenutog Zakona.
- Pripremljen je odgovor Ministarstvu komunikacija i prometa FBiH, u vezi konsultacija oko Nacrta Pravilnika o izmjeni i dopuni Pravilnika o dimenzijama, ukupnoj masi i osovinskom opterećenju vozila, o uređajima i opremi koju moraju imati vozila i o osnovnim uvjetima koje moraju ispunjavati uređaji i oprema u prometu na cestama.
- Nakon donošenja Odluke o određivanju ovlaštenih osoba za određivanje tajnosti podataka u Upravi policije MUP-a Kantona Sarajevo, ista je prosljeđena organizacionim jedinicama Uprave policije na upoznavanje i nadležno postupanje.
- Odgovoreno je na akt u vezi prijedloga protokola o razumijevanju, stručnoj saradnji i uzajamnoj podršci u istraživanjima u oblasti sigurnosti između Uprave policije i Pravnog fakulteta, Fakulteta političkih nauka i Fakulteta za kriminalistiku, kriminologiju i sigurnosne studije.
- Odgovoreno je na akt Ministarstva za rad, socijalnu politiku, raseljena lica i izbjeglice Kantona Sarajevo u vezi Protokola o radu i saradnji Koordinacioniog tijela na prevenciji, zaštiti i borbi protiv nasilja u porodici u Kantonu Sarajevo.

#### **AKTIVNOSTI NA PROVOĐENJU ZAKONA O NABAVLJANJU, DRŽANJU I NOŠENJU ORUŽJA I MUNICIJE**

U periodu januar – juni 2018. godine evidentirano je 17 krivičnih djela koja su regulisana Zakonom o nabavljanju, držanju i nošenju oružja i municije (27 manje), počinjenih od strane 17 lica, od kojih su četiri lišena slobode.

Od strane Policijskih uprava fizičkim licima izdato je 490 odobrenja za nabavku vatrenog oružja (devet manje) i 486 oružnih listova (136 manje).

Takođe, u sklopu aktivnosti na oduzimanju nelegalno posjedovanog oružja i drugih predmeta oduzeto je: 47 pištolja, osam pušaka, 49 „noževa, mačeva, sablji i sl.“, tri boksera, 1.060 kom. municije različitog kalibra, itd.

#### **RAD POLICIJE U ZAJEDNICI**

U okviru Rada policije u zajednici, policijski službenici Uprave policije MUP-a Kantona Sarajevo su tokom izvještajnog perioda preduzimali brojne aktivnosti u cilju uspostavljanja što bolje saradnje sa građanima, mjesnim zajednicama, školama, predstavnicima vjerskih zajednica, raznim udruženjima građana, nevladinim organizacijama, itd.

Između ostalog, preduzimane su sljedeće aktivnosti:

- Policijski službenici Uprave policije svih sedam PU su izvršili obilazak osnovnih škola na svojim staničnim područjima i tom prilikom sa direktorima i pedagogima škola dogovorili edukativne radionice na teme: "Djeca u saobraćaju", "Međuvršnjačko nasilje", „Narkomanija“ i druge teme.
- Policajci u zajednici su prisustvovali edukaciji na temu "Djeca i maloljetnici u kontaktu sa zakonom" na kojoj su predstavljene alternativne mjere i sankcije za maloljetnike u krivičnom zakonodavstvu FBiH.
- Sačinjena je Informacija o poduzetim aktivnostima na implementaciji "Akcionog plana za

- prevenciju maloljetničkog prijestupništva i rad sa maloljetnicima u kontaktu sa pravosudnim sistemom 2017-2019 godina".
- Kontinuirano je provedena kampanja "Neko te voli" koja je započeta u mjesecu martu ove godine sa ciljem smanjenja broja vozača koji koriste mobilne telefone prilikom vožnje vozila.
  - U svim općinama održana su predavanja u osnovnim školama na teme: "Međuvršnjačko nasilje", "Djeca u saobraćaju", "Narkomanija", itd.
  - U vezi realizacije projekta „Jačanja tužilačkih kapaciteta u sistemu krivičnog pravosuđa BiH“ pod nazivom „Lopov uvijek bude otkriven“, a koji pored aktivnosti koje se odnose na jačanje tužilačkog sistema, sprovodi i aktivnosti kojima se nastoje implementirati programi kojima se doprinosi prevenciji kriminala, u mjesecu aprilu održana su predavanja u osnovnim škola na području svih općina Novo Sarajevo, Ilidža, Ilijaš i Vogošća.
  - Radilo se na sprečavanju prosjačenja, skitanja, propuštenog staranja za maloljetne osobe.
  - Organizovan je pojačan obilazak parking prostora i mjesta na kojima su registrovana krivična djela i narušavanje javnog reda i mira, kao i sankcionisanje prekršilaca saobraćajnih propisa.
  - Provođene su aktivnosti na realizaciji projekta ICITAP-a "Uklanjanje grafita" i u sklopu tih aktivnosti policajci u zajednici su između ostalog, prilikom realizacije kampanje pod nazivom „Uklanjanje grafita-Zona bez grafita“ u osnovnim i srednjim školama kao i drugim dozvoljenim mjestima postavili plakate sa natpisom "Zajedno za ljepše Sarajevo".
  - Intenzivno se radilo na rasvjetljavanju lažnih dojava o postavljenim bombama u nekoliko srednjih škola, kao i na preduzimanju radnji koje se odnose na edukaciju učenika i nastavnog osoblja kako bi se povećala svijest o štetnosti ove vrste devijantnog ponašnja.
  - U organizaciji LOT tima EUFOR-a, za učenike Osnovne škole „Džemaludin Čaušević“ održana je radionica sa ciljem upoznavanja opasnosti od minsko-eksplozivnih sredstava u okruženju, te načinu reagovanja prilikom uočavanja eksplozivnih naprava.
  - Organizovana je manifestacija "AUTO SHOW - Sigurnost na cestama u BiH" u sklopu „Akcije za bezbjednost na putevima“ koju sprovodi svjetska automobilistička organizacija (FIA) na osnovu rezolucije UN od 10.05. 2010.godine, a koja utvrđuje dokument UN-a za bezbjednost u saobraćaju 2011-2020. Na navedenoj manifestaciji je između ostalog, prezentiran rad policijskih službenika MUP-a KS, te podijeljene brošure i drugi infomaterijal pod nazivima: „Djeca u saobraćaju“, „Mreža žena policajaca“, „Borba protiv rodno zasnovanog nasilja“, „Zaštitite se od krađe“, „Građani treba da znaju“, itd.
  - U hotelu „Bosnia“ je održana radionica na temu „Kako do većeg poštovanja ljudskih prava žena i LGBT osoba u KS- Zajedno do rješenja“- Na ovoj radionici se između ostalog, razgovaralo o sljedećim temama: Sprečavanju i suzbijanju nasilja na osnovu spola uključujući nasilje u porodici i trgovinu ljudima, Javni život i donošenje odluka, Zdravlje, Socijalna zaštita i slično.
  - Policajci u zajednici su učestvovali u manifestaciji "7 Sarajevo beer festival", koja je održana na parking prostoru olimpijske dvorane Zetra. Tom prilikom predstavljene su aktivnosti u vezi bezbjednosti saobraćaja, a izvršeno je i promotivno alkotestotanje posjetilaca koji su bili zainteresovani za način funkcionisanja alkotest aparata.
  - Redovno su održavani kontakti s predstavnicima Crvenog križa FBiH.
  - Intenzivno se radilo na rasvjetljavanju lažnih dojava o postavljenim bombama u nekoliko srednjih škola, kao i na preduzimanju radnji koje se odnose na edukaciju učenika i nastavnog osoblja kako bi se povećala svijest o štetnosti ove vrste devijantnog ponašnja,
  - Policijski službenici su intenzivno sarađivali sa Turističkom zajednicom KS, u vezi lične bezbjednosti turista kao i ostalih građana na području Kantona sa akcentom na opštinu Stari Grad i užu jezgru Bašćaršije, itd.

## EDUKACIJA U UPRAVI POLICIJE

U skladu sa Planom i programom stručnog osposobljavanja policijskih službenika Uprave policije u periodu januar- juni 2018. godine, razne vidove obuke pohađala su 1.203 policijska službenika, i to:

- permanentnu obuku (interna) - 658 policijskih službenika,
- specijalističku obuku (eksterna) – 474 i
- naprednu obuku – 71 službenik.

Teme specijalističke (eksterne) obuke, između ostalog bile su:

- *"Vodič o forenzičkim kapacitetima u BiH"*,
- *"Vještine upravljanja za rukovodioce u agencijama za provođenje zakona"*,
- *"Žene u policiji"*,
- *"Upravljanje medijima u operacijama podrške miru"*
- *"Keš kurir"*,
- *"Digitalna forenzička - informatička sigurnost"*,
- *"Djeca i maloljetnici u kontaktu sa zakonom"*,
- *"Istrage cyber kriminala"*,
- *"Međunarodna policijska saradnja u potrazi za osumnjičenim licima"*,
- *"Kibernetička sigurnost"*,
- *"Uloga i značaj policije u krivičnom postupku BiH"*,
- *"Postupci u situacijama masovnog priliva stranih državljana"*,
- *"Radna dimenzija zloupotrebe vatrenog oružja u vezi nasilja u porodici"*,
- *"Sprečavanje terorizma i suzbijanje nasilnog ekstremizma i radikalizacije koja vodi ka terorizmu - pristup kroz rad policije u zajednici"*,
- *"Jačanje provedbe zakona"*,
- *"Privremeno oduzimanje imovinske koristi pribavljene krivičnim djelom"*,
- *"Nasilni ekstremizam"*,
- *"Finansijske istrage u predmetima krivičnih djela pranja novca"*
- *"Jačanje povjerenja javnosti u tužilački sistem u BiH kroz unaprijeđenje transparentnosti i odgovornosti"*, itd.

**Sarajevo, 18.07.2018. godine**  
**Odjeljenje za odnose s javnošću**